

REPublika e Kosovës - Republika Kosovo  
KOMUNA E VUSHTRRIË-OPŠTINA VUÇITRË

02 Nr. / Br 569/22

Nr. i fq. / Br. st \_\_\_\_\_

Data: / Datum 04.05.2022

VUSHTRRI - VUÇITRË

+++



KOMUNA VUSHTRRIË



N.H. "Ibër-Lepenc" sh.a. - Prishtinë

## MEMORANDUM BASHKËPUNIMI

NDËRMJET

KOMUNËS SË VUSHTRRIË

DHE

“IBËR - LEPENC” Sh.A

### PËR REALIZIMIN E PROJEKTIT PËR UJITJEN E KULTURAVE BUJQËSORE NË KOMUNËN E VUSHTRRIË

1. “IBËR LEPENC” Sh.A- Prishtinë, përfaqësuar nga z. Januz Kabashi, U.D. Kryeshef Ekzekutiv
2. KOMUNA VUSHTRRI, përfaqësuar nga z. Ferit Idrizi, Kryetar i Komunës (në tekstin e mëtejme Komuna)

## I QËLLIMI I MEMORANDUMIT

Qëllimi i këtij Memorandumi të Bashkëpunimit është përcaktimi i obligimeve të përbashkëta institucionale duke përfshirë mbështetjen financiare nga Komuna e Vushtrrisë në funksion të ujitjes së të kulturave bujqësore në komunën e Vushtrrisë.

Realizimi i Projektit për ujitje në Komunën e Vushtrrisë, duke u bazuar në nevojat dhe kërkesat e fermerve të Komunës, është në përputhje me politikat e Komunës së Vushtrrisë, si dhe ka për qëllim përkrahjen e bujqve në Komunën e Vushtrrisë, duke ndikuar në këtë formë në rritjen e rendimenteve bujqësore.

## II OBLIGIMET E PËRBASHKËTA

1. Palët, në funksion të realizimi të qëllimit të përcaktuar në nenin një (1) të këtij Memorandumi marrin përsipër këto obligime të përbashkëta:

1.1. Mbështetje financiare për fermerët me 50% të vlerës së faturës nga vlera e përgjithshme e 110 euro për hektar, për ujitjen e kulturave bujqësore nga Komuna e Vushtrrisë, të cilat mjete do të paguhen nga Drejtoria për Bujqësi, Pylltari dhe Zhvillim Rural, kategoria e subvencioneve, në Ilogarinë e N.H. "Ibër-Lepenc" Sh.A. Prishtinë, (1401000000922261 Banka Ekonomike), jo më vonë se 15.10.2022, perkatesisht brenda 15 diteve pas dergimit te dokumentacionit perkates ne Komune, sic theksohet ne nenin III paragrafi 1.3.

1.2. Sigurojnë realizimin e suksesshëm të projektit dhe përmbushjen e qëllimit të këtij memorandumi;

1.3. Udhëheqin në bashkëpunim procesin e mbështetjes financiare në përputhje me ligjet dhe aktet nënligjore në fuqi.

## III OBLIGIMET E PALËVE

**1. Komuna e Vushtrrisë**

1.1. Mbështetë realizimin e projektit për financimin e fermerëve në vlerë të 50% të faturës për ujitjen e kulturave bujqësore.

1.2. Komuna e Vushtrrisë merr përsipër pagesën e 50 % të faturave për ujitje, sipas kërkesave të fermerëve.

1.3. Me rastin e ekzekutimit të mjeteve financiare nga Komuna e Vushtrrisë, N.H. "Ibër-Lepenc" Sh.A, merr përsipër të përcjellë tek komuna, të dhënat për realizimin e projektit siç janë: kontratat për ujitje, faturimin dhe listat e fermerëve me shenimet e tyre perkatese.

## **2. N.H.“Iber Lepenc”Sh.A**

2.1.Në bashkëpunim me Komunën e Vushtrrisë, kujdesen për realizimin e suksesshëm të projektit përmes ofrimit të çfarëdo asistence profesionale, administrative dhe teknike që mund të jetë e nevojshme dhe që është në përgjegjësinë dhe mandatin e saj. N.H.“Iber Lepenc”Sh.A obligohet të fillojë procesin e ujitjes sipas kërkesave të fermerëve.

### **IV ZBATIMI**

Komuna e Vushtrrisë dhe N.H.“Iber Lepenc”Sh.A, përcjellin zbatimin e memorandumit dhe udhëzojnë për veprime që duhet të ndërmerren në përmbushjen e obligimeve të përcaktuara në këtë Memorandum.

### **V PLOTËSIM NDRYSHIMI APO SHKËPUTJA EVENTUALE E MEMORANDUMIT**

- 1.Ndërprerja e Memorandumit të Bashkëpunimit bëhet më marrëveshje ndërmjet palëve, por që nga ky memorandum nuk mund të lirohen palët, pa i përmbushur obligimet.
- 2.Nëse implementimi duhet të ndërpritet për shkak të ndodhive të fuqisë mbinatyrore -palët do të vendosin bashkërisht dhe në konsultim me njëra - tjetrën për veprimet që duhet të ndërmerren.
- 3.Afati i realizimit të projektit sipas këtij Memorandumi duhet të arrihet gjatë sezonit të ujitjes në vitin 2022, jo më largë se data 30.10.2022
- 4.Ky Memorandum i Bashkëpunimit mund të ndryshojë apo plotësohet sipas një aneks marrëveshje me shkrim midis palëve.
- 5.Ky Memorandum ka titull ekzekutiv.

### **VI ZGJIDHJA E MOSMARRVESHJEVE**

Palët do të përpiqen që mosmarrëveshjet t'i zgjidhin me bisedime, mirëpo nëse nuk mund të arrijnë mirëkuptim, atëherë në rast të mosmarrëveshjes, kompetente për zgjidhjen e saj është Gjykata Themelore në Prishtinë që ka kompetencë të zgjidh rastet e tilla.

VII  
NËNSHKRIMI I MEMORANDUMIT

Ky Memorandum i Bashkëpunimit është përpiluar në katër (4) kopje identike origjinale, nga dy (2) për palët nënshkruese.

VIII  
HYRJA NË FUQI

Ky Memorandum i Bashkëpunimit hyn në fuqi në datën e nënshkrimit nga palët.



Ferit Idrizi

Kryetar i Komunës së Vushtrrisë



Januz Kabashi

U.D. Kryeshef i N.H. "Iber Lepenc" Sh.A

Nënshkuar më \_\_\_/05/2022